

Der koronavirus.

Bos hòt der Koronavirus gatu'n?

En bea'ne zait ist er gòngen van a sait as de ònder va der bèlt,
en òlla ist er u'gòngen bea'ne oder vil, en de òrmen ont gor en de seng as hom gèlt.

Der hòt galearnt en òlla de lait as der sai' nèt de pauern va der bèlt!

As nèt òlls keart se um en gèlt.

Der hòt ens autschittlt òlla, der hòt ens kein: "Bos hòt er gatu'n en de Eart?

S bart òlls òlbe erger gea', men s der nèt um keart!"

Der hòt ens gamòcht kennen en vorcht,

benn as vour ont aus hom ber van im lai galòcht.

Der hòt ens vort de ingern none, de lait as hom s inger lònt groas gamòcht,
de lait as hom ver ins gamerdert, as hom gaorbetn ont nèt lai klòfft.

Der hòt sa gamòcht stèrm aloa', vèrr van sai'na lait,

pet nea'met as hòt n gem de hònt benn as de gòngen sai' as de ònder sait.

Ont no en toat nanket an òbito hom ber nèt kinnt gem,

en sei as de hom ens gem s gònz sai' lem.

Der hòt ens insperrt en de ingern haiser, pet de ingern lait,

der hom bider kinnt bissn abia as ist za plaim zòmmen ont prauchen guat de zait!

Der hòt ens gamòcht learnen as der kinnen lem a'ne za tea' òlbe kaven,

,ont as s lem ist nèt gamòcht za tea' òlbe laven,

as de zait ist bèrt men s der tea' sa prauchen rècht,

ont dòs ist gabiss nèt òlls tschlècht.

De doi' zait bar ber biar nea'mer vargèssn kinnen ,

hoffn ber as der kinnen gor eppes guats auser vinnen!